

12007  
3810к

ЕРБОЛ ШАЙМЕРДЕНҰЛЫ

**ЖУРЕКТЕГІ  
ЖАЗҰЛАР**

**ЕРБОЛ ШАЙМЕРДЕНҰЛЫ**

**ОТЫРАР БАСТАУАСЫ**

# **ЖУРЕКТЕГІ ЖАЗЫЛАР**

АЛМАТЫ  
  
2006

  
**“ОЛКЕ”  
БАСТАУАСЫ**

Қазақстан Республикасының Мәденист және  
ақпарат министрлігі<sup>1</sup>  
Ақпарат және мұрагат комитетінің бағдарламасы  
бойынша шығарылды

*Ақын Ербол Шаймерденұлының жаңа жыр жинағы айшықты азаматтық үнімен, терең ой сарынымен, ақ адаптың сырылдығымен ерекшеленеді. Адам мен қоғам туралы, өмір жайлыш сезім мен сенімнен өрілген сыртының толғаныстар шынаиылдығымен тартыымды. Отанишылдыққа, ададық пен арлылыққа шақыратын ойлы өлең, оттың жырлар жыр сүйер қауым жүргегіне жол табар деп сенеміз.*

# ЕРБОЛ ШАЙМЕРДЕНҰЛЫ

Поэзия — мен үшін жанымның шырылы.  
Басқа ештеңе де емес.

*М. МАЖАНАЕВ*

Слово поэта — это формула его души.

*С. АБДУЛЛО*

ББК 84 Қаз 7  
Ш18

ЛОДЧЫ

ШАЙМЕРДЕНҮЛІ НАУКА ДЕМІМІНІ

АСТРАХАНСКАЯ ОБЛАСТЬ

СОВЕТСКОЕ ПРОИЗВОДСТВО БЕЗОПАСНОСТИ

СЕМЬЯ И МОДЕРНАЗМ

Шаймерденұлы Елена – автор

Шаймерденұлы Елена

Шаймерденұлы Елена – казахстанский писатель, журналист, педагог, писательница, публицист, переводчик, писатель-участник международных фестивалей. Училась в Казахском университете им. Аль-Фараби, в Алматинской гуманитарной академии. Учитель казахского языка и литературы. Член Союза писателей Казахстана, Союза журналистов Казахстана, Союза писателей Азии и Африки.

Ш18 Шаймерденұлы Е. Жүректегі жазулар.  
– Алматы, "Өлкө", 2006. – 240 бет.

Ш 4702250200  
00 (05)-06

ISBN 9965-742-75-8

© Шаймерденұлы Е., 2006  
© "Өлкө" баспасы, 2006

# Жанымынъ Жасыйт Жапырағын



## *Отан*

Үргагы бар жанымда жыр-әніңің,  
Қылығы бар қанымда қуланыңың.  
Өзің үшін от басса — өкінбейтін,  
Елін сүйген ер міnez ұланыңмын.

Дөңгелетіп дүние доңғалағын,  
Келеді алып өр толқын, толғақ ағын.  
Жанарыңда ойнаған мен бір сәуле  
Теңізіңнің тамшысы мен боламын.

Мына өмірде мың тұрып, мың сүріндім,  
Ұқтым солай не екенін күрсінудің.  
Жапырақ боп жайқалып тірлік кешкен,  
Ақ қайыңың қара мең бүршігімін.

Аян мәңгі өзіңсіз күн жоқтығы,  
Керегі не басқаның білте, оттығы.  
Мен — бір гүлің ашылған сайыңдағы,  
Мен — бір тасы тауыңың, бір шоқтығы.

Бұлағыңдан нәр алдым қанша тұнық,  
Сан кездім ой шақырып, қыр шақырып.  
Сен — айлақ алып шығар бар айдынға.  
Сен — менің әлемімнің ақ шатыры.

Жаным Отан,  
сырың — сан, өлшемің — мың,  
Сен — бір гарыш, мен — сенің жер серігің.  
Сен деп соққан жүрегі,  
жаны — сенде,  
Перзентіңмін — бір түйір бөлшегіңмін!

## *Көзілдір ту*

Желбіре, көгілдір ту, көк аспанда,  
Не жетсін елге тәндік жарасқанға.  
Сен — менің құдіретім, килем асыл,  
Айбарың айтсын сөзді адасқанға.

Төрінде ту көтерген туған елдің,  
Шалқисың толқынымен туласп желдің.  
Тұғырына тәңірлік түс қайта қонды,  
Қызылға қол соғбаймыз шулап енді.

Азаттық аңсарынан кемел қарман,  
Мураты бүгінгінің — алыс бармақ.  
Атынан алашымның топқа кірді,  
Көк туы қазағымның өлем шарлап.

Көк байрақ, көк жалауша, көк асаба,  
Тәрізді құт қазан мен қара саба.  
Шідерін бодандықтың үзү үшін,  
Жеткендей тарих өзі арашаға.

Көкшіл түс қымбат саған, қымбат маган,  
Қабақлен сыр ұқтырып, тіл қатпаған.  
Өйткені, ол өзінің бар қасиетін,  
Халықтың жүргегіне құндақтаған.

Керемет, керім біздің көкшулан ту,  
Бағына бақытты Отан бек туған ту.  
Бастайды уақыт көшін болашаққа,  
Есесі кеткен күннен жоқ қуған ту.

Шектіріп қанатына күн арайын,  
Дегендей шыңға шырқау шығарайын.  
Тұыңда қонды құтың қыран болып,  
Азатсың, тізерлеме, түр агайын!

Кірмесін кіріптарлық түсіңе енді,  
Елдіктің, еркіндіктің құсы келді.  
Ұшырып алмажайсың абайсызда,  
Кесірлік күні туса кісінеді.

Жер болған көніліміз көтеріліп,  
Шалқымыз қаршыгадай кетер іліп.  
Ес жиып, ерге қонар шақта мына,  
Бер, тағдыр, пендеңізге жетелілік.

Түйін көп тәуелсіздік торабында,  
Біз кірдік белді шешіп сол ағынға.  
Ажарын аша түскен асыл тудың,  
Көзайым өрнегі бар жолагында.

Өз туы, өз ардағы алашымның,  
Содан да жанга жайлы, жарасымды.  
Астында тұрар жұртың өсе берсін,  
Көптігі қуат болар қарасынның.

Шөлдесе ел қиян кезіп су іздеңген,  
Сарсылып сан тараулы ну ізбенен.  
Қуанам көптің бірі болғаныма,  
Ішінде ел атынан ту іздеңген.

Үмітті халқым сені иемденген,  
«Тұым бар — еншім толық тиер» деген.  
Елімді, елін сүйген біздерді де,  
Жүргейсің желеп-жебеп киенменен.

Желбіре әңгарларда зерен туым,  
Еркіндік сүйіншісі — ерен туым.  
Куә бол бағы асқан сәттерінің,  
Жаңа үрпақ бүгінгіден кемел туып.

Кек туым иілмесін, жығылмасын,  
Көзге — жас, кеудеге — өксік тығылмасын.  
Тұрғанда көк байрағың көкті шіреп,  
Туган ел, сен қашан да тұғырдасың!

## *Ұнсіздік*

реквием

Ұнсіздік... Бір минет... Ұнсіздік,  
Әзердені езеді зіл сүмдық.  
Қантардың қарындай бораган,  
Қасірет,  
қайғы-шер,  
құнсыздық!

Ұнсіздік... Ұнсіздік... Ұнсіздік,  
Жаңда — шоқ...  
бір суып, бір қыздық.  
Алаштың аймаңдай ардағы,  
Атты екен,  
сатты екен кім Сізді?

Ұнсіздік... Ұнсіздік... Ұнсіздік,  
Ойда — өрт...  
бір суып, бір қыздық.  
Тарыдай шашылған қазағым,  
Тозаққа айдаған кім Сізді?

Үнсіздік... Үнсіздік... Үнсіздік,  
Көз тұман...

бір сұып, бір қыздық.  
Аштықтың аузымен, азалым,  
Қынадай жайпаған кім Сізді?

Үнсіздік... Үнсіздік... Үнсіздік,  
Қан — қара...

бір сұып, бір қыздық.  
Кісі етін жердей қып, сормаңдай,  
Кісәпір еткендер кім Сізді?

Үнсіздік... Бір минөт... Үнсіздік,  
Дегендей терең сыр, тылсымды үк.  
Үмытпа!

Үмытпа өткенін...  
Жаһанды жайпаған бір сұмдық.

Үнсіздік... Үнсіздік... Үнсіздік,  
Үрейді ұшырган үнсіз түк.  
Тұсын тозаққа сүреген  
Табаны тайғанақ бүрсіздік.

Үнсіздік... Үнсіздік... Үнсіздік,  
Әр жүрек өзінше сыр сүздік.  
Қара жер жеткізсе, қыршындар,  
Бас иіп, сәл кештеу күрсіндік.

Үнсіздік... Үнсіздік... Үнсіздік,  
Тәңірім туған жоқ үнсіз қып.  
Бүгінге, ертеңге сабақ бұл,  
Алды орап кетпегей бір сұмдық!

## *Абылай алаңындағы ой*

Хан баба дағы,  
Сан қаладағы,  
Алаңдар болып антала маңады.  
Елдікті еске салатындығынан болар,  
Пенде шіліктен асып паң қараганы.

Асырмасын деп жат ойдағысын,  
Көтеріп ақ ту атойлағаны үшін.  
Корыққандықтан да болар...  
Құн сұрайды-ау деп,  
Атамекенінде ат ойнағаны үшін.

Елім деп еңіреп күн кешкендіктен болар,  
Тарихпен терең үндескендіктен болар.  
Тәуелсіздік туын аманат етіп,  
Болашақпенен тілдескендіктен болар.

Ескерткіш оған қимаған, балам,  
Алтын деп мысты жинаған заман.  
Ұмытшақ үрпақ сынтастарына да,  
Сыймаған бабаң ... сыймаған бабаң.

Өлмейтін арман жетегіне еріп,  
Өткелек жылдар өтеріне сеніп.  
Жантайған содан Абылайхан алаң,  
Оқжетпес таудың етегіне келіп.

Жалғандықтардың жүздерін тіліп,  
Замандар келер іздерін біліп.  
Мәртебелі алаң жатыр сол әлі,  
Жаз демі сіңіп, күз демі сіңіп.

## *Еркіндік жыры*

Көңілдегі көк толқындаі тула, жыр,  
Астар жатыр алаңдатар шуда бұл.  
Елеңдейді еркіндіктің елігі,  
Қара орманда қансыраған бура жүр.

Қалай ғана ауырмасын жүрек бұл,  
Біреуге — күн, біреулерге керек құл.  
Жас өскінге жасын түссе қайтем деп,  
Жел өтінде жанын жеген терек түр.

Озбырлықтан өрт тұтандып жатыр-ау,  
Терек-төзім тағы ышқынды:  
«Япыр-ау,  
Сенің неге өзегінді құрт жейді,  
Өз отымды өзім жақсам, бәтір-ау».

Тісін қайрап алас ұрган дау-шарғы,  
Неге құмар лайлауға кәусарды.  
Есі бар ер айырбасқа салар ма,  
Еркіндігін — елдік мұрат, аңдарды.

Долы дауыл, шаңырақты шайқама,  
Басыл енді заман бетін байқа да.  
Тендерезе достық үшін ежелден  
Біздің елдің құшагы ашық айқара.

Терек-төзім теңселеді тұнеріп,  
Маңдалада мың тірілген, мың өліп.  
Бодандықтың қыл бұрауын өртеген,  
Бостандыққа құштарлықтан күн өріп.

Таң нұрымен арайланған төңірек,  
Жатыр маздан ошағында өмір-от.  
Төуелсіздік — тәй-тәй басқан нәрестем,  
Сүк көздерден сақтағайсың, құдірет!

## *Денізлі\**

Ақ жауынның астында  
жеттік саған, *Денізлі*,  
Көңіліміздің кәусарын  
тәктік саған, *Денізлі*.

Туу үшін осы сәт  
ұрпақтары ер түрік,  
Сан сырынан тарихтың  
өтті аман, *Денізлі*.

Жерүйіктай гөзал бір  
көркемсің сен, *Денізлі*,  
Ұлы түрік бағында  
өркенсің сен, *Денізлі*.  
Өртенсе де өлмеген,  
феникстей түлеген,  
Ұлы жүрттыйң ошағы,  
өртеңсің сен, *Денізлі*.

Келешекке басталар  
бүгіннен із, *Денізлі*,  
Ұлы жолға ұласып,  
қосталар із, *Денізлі*.  
Ықыласынан ғажайып  
күн қондырып көңілге,  
Бұйырса ертең ауылға  
аттанамыз, *Денізлі*.

\*2000 жылы Түркияның *Денізлі* қаласында віткен Бүкіл дүние жағаңдегі түркі тілдес елдер өкілдерінің VII құрылтайында оқылған жыр. Түркі тіліне аударылған.

Жиып-теріп асылын  
елдегі ойдың, Денізлі,  
Бір нүктесін ғасырдың  
сенде қойдық, Денізлі.  
Ақиқаттың желкені  
Ақ теніздей шайқалды,  
Тұшысымен жарысып  
кермегі ойдың, Денізлі.

Өзің бүгін ой-мұхит,  
тамам ел - сең, Денізлі,  
Ала кетер едім гой  
маған ерсең, Денізлі.  
Намыс туын көтеріп,  
намыс отын көсеген,  
Кеңдескенше күн жақсы,  
аман бол сен, Денізлі.  
Аман бол сен, Денізлі!  
Аман болайық!

## Аттила

I

*Еділ бабаны төл тарихымызға енгізіп, әдебиетте шынайы бейнесін жасап, тұған халқымен қайтадан табыстыруымыз керек. Еділ де - Қорқыт ата сынды бөліп-жарылмас ортақ қазынамыз.*

Ш. Айтматов

Елдік пен ерлік ұраны,  
Әмірін әлем тыңдаған.  
Даланың қайсар қыраны,  
Аттила — сенің ғұн бабаң.

Алтынжал тұлпар астында.  
Тында айқыш таңбасы.  
Дүшпанын талай састьырған,  
Аттила — сенің қандасың.

Қанында кегі қайнаған,  
Қолбасшы одан озбаған.  
Құлагында аттың ойнаған,  
Аттила — сенің өз бабаң.

Сағыныш жүрек жандырған,  
Асырған талай таңға таң.  
Шөлін тек қымыз қандырған,  
Аттила — сенің аргы атаң.

Оянып зерде серпіліп,  
Оралып бәрі жатыр ғой.  
Римді алған ер түрік,  
Аттила — Еділ батыр ғой.

Керегін таңдап ал сүзіп,  
Келді ғой кезің танитын.  
Алыстан жазған дәм-тұзын,  
Аттила — сенің тарихың.

## II

*Аттила есімі адамзат тарихындағы ұлы тұлғалар —  
Александри Македонский мен Юлий Цезарьдің  
қатарынан орын алады.*

А. Тьерри

Аттила!  
Еділ батыр Мұңлықұлы!  
Мәңгіге соққан биік тұғырын ұлы.  
Қалтырап қаһарынан бүкіл ғалам,  
Жығылған аяғына құлдық ұрып.

Танытқан не екенін елдік, ерлік,  
Асыл тәж, даңқ-мунара, алмас кездік.  
Салт шығып сахарадан  
Римді алған,  
Тамсанған Европа қалпын сөз ғып.

Аттила!

Еділ батыр — гүнның ұлы!

Шығыстан көтерілген күннің ұлы.

Жолында кеңдескеннің бәрін жұтқан,

Ақ шағыл ала құйын құмның ұлы.

Козғалмас қара боран соқса уілдеп,

Үйренген қайсарлықты сексеуілден.

Шүйіліп дүшпанына қара бұлтша,

Құркіреп қан майданда Кекше күлген.

Аттила!

Еділ батыр далада өскен,

Бесігі бабалардың — қара көште.

Басы ұлken, орта байлы, сом денелі,

Көздері жанған отты салады еске.

Шалт қимыл, күміс дауыс, бидай өнді,

Жаратқан кемел етіп тәңірі онды.

Хас батыр,

Жолбарысша атылатын,

Жаужүрек, айласы ұшқыр, қыран ойлы.

Аттила!

Еділ батыр! Қайран баба!

Кияга көтерілдің сайдан, баба!

Көтерген дүниенің қан қысымын,

Тағдырың тағдыр емес...

Майдан, баба!

Дүние тегершігін бұрап қолмен,  
Жан бар ма сендей самғап...  
Құлап көрген?!  
Атылған алтын жебе ай-арманға,  
Екенсің, қайран бабам, шын-ақ мерген!

Аттила!  
Еділ батыр! Жұрт мақтаны!  
Тамсантқан бүкіл тұркі ұрпақтарын!  
Европа жүрегіне туын тіккен,  
Азия аспанынан шырқап барып.  
Ақ жалын,  
арда мінез,  
асыл тектен,  
Кеудесін кердеңдердің басып өткен.  
Айналған өшпес рух алауына,  
Кек қылыш - түскен бейне жасын қөктен!

## *Мінәжат*

*Ақынды ақын ететін оның рухының құдіреті.*

Г. Манн

*Ерлік деген — өлімнен қалай қорықпасаң,  
шындықтан да солай тайсалмау.*

Н.Бердяев

Алаш алаш болғалы,  
Төр тұтқан талай кемелін.  
Ел қондырган ордалы,  
Ту ұстап небір еренім.  
Аңсарын көптің түсінген,  
Аймаңдайы ішінде,  
Махамбет бабам, сен едің!

Төпелеп бір жыр төккенде,  
Халқыңа қазына кен едің.  
Намысқа тартып кеткенде,  
Алдыңда кім тұр демедің.  
Бойыңдағы амалың —  
Найзаң менен қаламың,  
Қайда салса — тең едің.

Ақын да батыр елде жоқ,  
Асып бір туған өнерің.  
Ел үшін десе — шерге тоқ,  
Қақыратып қабырға сөгерім.  
Күреске өмірін арнаған,  
Махамбет бабам — нар бабам,  
Есіл бір туған ер едің.

Исатайдай арыстың,  
От қайрағы, белі едің.  
Оққа айналған намыстың,  
От қайнары, кегі едің.  
Өзің де оттан жаралған,  
Жағаласта жан алған,  
Өзекті ердің өрі едің.

Дулығалы ер, дулы ер,  
Дулығам сынар демедің.  
Құланды жер, құлы жер,  
Құланды жығар демедің.  
Еділ менен Жайықты- ай,  
Ескексіз кешер қайықтай,  
Тәуекелшіл, кең едің.

Адырнаны аңыратып,  
Атар бір жебе сен едің.  
Құм Нарындаі боратып,  
Жауыңды жерге теңедің.  
Қасиетінді ел білген,  
Ұраныңда еріп көп жүрген,  
Көкбөрі текті ер едің.

Күй қондырған шанаққа,  
Тереңінен тартып көненің.  
Ән талдырған қанатта,  
Желбіретіп жырдың желегін.  
Сөйлеп бір сөйлеп кеткенде,  
Аштырған ауыз бектерге,  
Тілдіде шешен сен едің.

Бейбітте бағылан шуақты,  
Тұнықтың терең кемелі.  
Қамал бұзар қуатты,  
Рухтың тасқан селі едің.  
Жүргегі — түкті, көзі — өрт,  
Өлеңі — текті, өзі — серт,  
Халқыңа қорған сен едің.

Аңсары асыл — азаттық,  
Ойыңың қазса тереңін.  
Отында тұрып тозақтың,  
Қазағың — сүиер, сенерің.  
Тағдыр бір соққан жартастай,  
Махамбет ақын нарқасқа,  
Азамат нағыз ер едің.

Бәсіне бас пен жан тіккен,  
Елінің білген керегін.  
Қарысы үшін қан төккен,  
Жерінің білген керегін.  
Бүгін де керек қазаққа,  
Ертең де керек қазаққа,  
Махамбеттей шер ерің.

\* \* \*

Кор қылма, тәңірі шеберім,  
Колдай көр, тәңірі шеберім!

## *Маңжан аға*

Қайран менің Магжан ағам,  
Келем іздеп жар жағалап.  
Қия шыңдар үнде мейді,  
Жүгірер деп қанжар ала.

Келем іздеп сай қуалап,  
Қылымсиды Ай сығалап.  
Дейді қыран керек көкке,  
Сықылықтап бір сұғанақ.

Жоқсың даала,  
қалада да,  
Жаныңда жан бара ала ма.  
Құштар едің өр толқынға,  
Айналдың ба шағалаға.

Құн лебі бар құлісінде,  
Тұған жердің нұры сіңген,  
Қабірің жоқ жер бетінде,  
Өлген жоқсың — тірісің сен!

Озбырлықтан өктем, төтен,  
Азапты көп шектің, көкем.  
Қиянатқа төзе алмай,  
Көкке ұшып кеттің бе екен.

Безіп тірлік ұсағынан,  
Тексіздіктер тұзағынан.  
Тазалықты таптың ба тек,

Табигаттың құшағынан.  
Өмір — күрес, жанталас бір,  
Шындық үшін сан таластың.  
Атың мәшіүр бар қазаққа,  
Ардағысың алты алаштың.

Жүректегі шоқтайын нұр,  
Мәңгі өшпес оттайын бір.  
Музаң сенің, Мағжан аға,  
Алма мойын, ақ қайың жыр.

Ұлыға ажал жоласын ба,  
Жетпес қолдар дара шыңға.  
Тудың — тірі жүрсің әлі,  
Ақ қайыңдар арасында.